

दे॒वरथाङ्ग॒यान्य॒यं लो॒कस्त॒ऽ सम॒न्तं लो॒कं द्वि॒स्ताव॒त्पृथि॒वी प॒र्येति॒ तां पृथि॒वीं द्वि॒-  
स्ता॒वत्समु॒द्रः प॒र्येति॒ तद्या॒वती॒ क्षुर॒स्य धा॒रा या॒वद्वा म॒क्षिका॒याः प॒त्रं ता॒वान॒त-  
रे॒णाका॒शस्त॒ानिन्द्रः॒ सुप॑णी॒ भू॒वा वा॒यवे॒ प्रा॒यह॑त्ता॒न्वायु॒रात्म॒नि धि॒त्वा त॒त्राग॒म-  
य॒द्यत्र॒ पारि॑क्षिता॒ अभ॒वन्नि॒त्येव॒मिव॒ वै स॒ वा॒युमे॒व प्र॒शश॑ऽस॒ तस्मा॑द्वा॒युरे॒व व्य-  
ष्टि॒र्वायुः॒ सम॑ष्टि॒रप॒ पुन॑र्मृत्युं॒ जय॑ति॒ सर्व॑मा॒युरेति॒ य॒ एवं वे॒द ततो॒ ह॒ भुज्यु॑र्ला-  
क्ष्या॒यनि॒रुप॑रराम ॥ २ ॥ ब्राह्म॒णम् ॥ १ [६. ३.] ॥

अथ॒ है॒नं क॒होडः॒ कौ॒षीत॒केयः॒ पप्र॑ह । या॒ज्ञव॒ल्क्येति॒ हो॒वाच॒ यत्सा॑क्षाद॒प-  
रो॑क्षाद्ब्र॒ह्म य॒ आ॒त्मा सर्वा॑न्तर॒स्तं मे॒ व्या॒चक्ष्वे॒त्येष॒ तऽआ॒त्मा सर्वा॑न्तरः॒ कत॑मो॒ या॒ज्ञ-  
व॒ल्क्य सर्वा॑न्तरो॒ योऽश॑नाया॒पिपा॑से॒ शो॒कं मो॒हं ज॒रां मृ॒त्युम॒त्येत्ये॒तं वै त-  
मा॒त्मानं॒ वि॒दि॒त्वा ब्रा॒ह्मणाः॒ पु॒त्रैष॑णायाश्च॒ वित्तै॑षणायाश्च॒ लोकै॑षणायाश्च॒ व्यु॒त्था-  
याथ॒ भि॒क्षाच॑र्यं चरन्ति॒ या॒ ह्ये॒व पु॒त्रैष॑णा सा॒ वित्तै॑षणा॒ या॒ वित्तै॑षणा सा॒ लो-  
कै॒षणो॒मे ह्ये॒तेऽए॒षणोऽए॒व भ॒वत॑स्तस्मात्पण्डितः॒ पा॒ण्डित्यं॒ निर्वि॒द्या बाल्ये॑न  
ति॒ष्ठासे॒द्बाल्यं॒ च पा॒ण्डित्यं॒ च निर्वि॒द्याथ॒ मुनि॑र्मौनं॒ च मौ॒नं च॒ निर्वि॒द्याथ॒  
ब्रा॒ह्मणः॒ स॒ ब्रा॒ह्मणः॒ के॒न स्या॒द्येन॒ स्यात्ते॒नेद॒श ए॒व भ॒वति॒ य॒ एवं वे॒द ततो॒  
ह॒ क॒होडः॒ कौ॒षीत॒केय॒ उप॑रराम ॥ १ ॥ ब्राह्म॒णम् ॥ २ [६. ४.] ॥

अथ॒ है॒नमु॒षस्त॒श्चाक्रा॑यणः॒ पप्र॑ह । या॒ज्ञव॒ल्क्येति॒ हो॒वाच॒ यत्सा॑क्षाद॒परो॑क्षा-  
द्ब्र॒ह्म य॒ आ॒त्मा सर्वा॑न्तर॒स्तं मे॒ व्या॒चक्ष्वे॒त्येष॒ तऽआ॒त्मा सर्वा॑न्तरः॒ कत॑मो॒ या॒ज्ञ-  
व॒ल्क्य सर्वा॑न्तरो॒ यः प्रा॒णेन॒ प्रा॒णिति॒ स॒ तऽआ॒त्मा सर्वा॑न्तरो॒ योऽपा॑नेनापा॒नि-  
ति॒ स॒ तऽआ॒त्मा सर्वा॑न्तरो॒ यो॒ व्या॒नेन॒ व्य॒निति॒ स॒ तऽआ॒त्मा सर्वा॑न्तरो॒ य॒ उ-  
दा॒नेनो॒दनिति॒ स॒ तऽआ॒त्मा सर्वा॑न्तरो॒ यः स॒माने॑न॒ सम॑निति॒ स॒ तऽआ॒त्मा स-  
र्वा॑न्तरः॒ स॒ हो॒वाचो॒षस्त॒श्चाक्रा॑यणो॒ यथा॒ वै ब्रू॒याद॑सौ॒ गौ॒रसा॒वश्च॒ इत्ये॒वमे॒वै-  
त॒द्यप॑दिष्टं भवति॒ यदे॒व सा॑क्षाद॒परो॑क्षाद्ब्र॒ह्म य॒ आ॒त्मा सर्वा॑न्तर॒स्तं मे॒ व्या॒चक्ष्वे॒-